

Broj: 04-02-4-6331/23  
Sarajevo, 14.09.2023. godine

**UDRUŽENJE POSLODAVACA  
U FEDERACIJI BiH**

Maršala Tita br. 6

**SARAJEVO**

**PREDMET:** Odgovor, dostavlja se

VEZA: Vaš akt dostavljen Poreznoj upravi Federacije BiH, broj: I-165/23 od  
25.08.2023. godine

Poštovani,

U vezi vašeg akta, broj i datum veze, kojim se traži mišljenje / instrukcija za postupanje u vezi sa primjenom člana 6. tačka 10. Zakona o doprinosima, koji je Porezna uprava Federacije Bosne i Hercegovine prosljedila ovom Ministarstvu na nadležno postupanje, u okviru naše nadležnosti, ukazujemo na sljedeće:

Osnovica za doprinose, shodno odredbama člana 7. stav 1. Zakona o doprinosima ("Službene novine Federacije BiH", br. 35/98, 54/00, 16/01, 37/01, 1/02, 17/06, 14/08, 91/15, 104/16, 34/18, 99/19, 4/21 i 6/23) je plaća, odnosno naknada plaće zaposlenika, utvrđena u skladu sa zakonom ili drugim propisom, s tim da ista ne može biti niža od najniže plaće. Izuzetno, shodno odredbama člana 6. tačka 10. istog Zakona, za radnike kojima se isplaćuje mjesečna plaća u visini do 85% prosječne mjesečne neto plaće, u rudnicima uglja, tekstilnoj, kožnoj i industriji obuće i niskoakumulacijskim djelatnostima tradicionalnih, starih, zanata utvrđenih posebnim propisom, mjesečna osnovica za obračun doprinosa proizvod je iznosa prosječne plaće iz člana 6a. stav 2. i koeficijenta 0,30. S tim u vezi, propisana je mjesečna osnovica za obračun doprinosa u 2023. godini u iznosu od 510,00 KM (Osnovice za obračun doprinosa određenih obveznika za 2023. godinu, "Službene novine Federacije BiH", br. 100/22 i 12/23).

Shodno naprijed navedenom, propisana mjesečna osnovice za obračun i plaćanje doprinosa, u iznosu od 510,00 KM u 2023. godini (umnožak prosječne plaće iz člana 6a. stav 2. i koeficijenta 0,30) može se primjenjivati za zaposlenike u tekstilnoj, kožnoj i industriji obuće kojim se isplaćuje mjesečna neto plaća u visini do 85% prosječne mjesečne neto plaće u Federaciji Bosne i Hercegovine. Napominjemo, ukoliko

privredno društvo ima registrovane zasebne poslovne jedinice (npr. maloprodaja u zasebnim poslovnim jedinicama, koje imaju šifru djelatnosti iz oblasti trgovine na malo) za te zaposlenike se ne primjenjuje naprijed navedena povlaštena osnovica.

S poštovanjem,



**MINISTAR**

**Toni Kraljević**

**Dostaviti:**

- Porezna uprava FBiH  
Husrefa Redžića 4, Sarajevo